




職方典第二百九十一卷

山西總部彙考三

山西兵制考

府志

提督山西等處總兵官一員

鎮守山西總兵官一員

駐劄太原統轄滿漢兵守尉一

員

正藍旗一等阿達哈哈番一員

拜他拉布勒哈哈番一員

托沙喇哈哈番一員正

藍旗順藍旗撥什庫四員

提標中營官兵七百五十八員名叅將一員中軍守備一員千

總二員把總四員馬兵一百五十名步兵二百二十五名守兵三百七十五名馬一百五十四

提標左營官兵七百五十八員名遊擊一員中軍守備一員千總二員把總四員馬兵一百五

十名步兵二百二十五名守兵三百七十五名馬一百五十四

提標右營官兵七百五十

八員名遊擊一員中軍守備一員千總二員把總四員馬兵一百五十名步兵二百二十五名

守兵三百七十五名馬一百五十四

提標前營官兵七百五十八員名遊擊一員中軍守

備一員千總二員把總四員馬兵一百五十名步兵二百二十五名守兵三百七十五名馬一

百五十匹

提標左右營官兵一千七百九十六員名中軍各遊擊一員各中軍守備一員

各千總二員各把總四員馬兵四百六十八名步兵一千二十八名守兵二百七十三名馬四

百六十八匹

代州營提塘官一員塘撥兵一百九十名馬一百五十九匹

巡撫護衛

馬兵五十名馬五十匹

分鎮山西太原營官兵一千二百二十六員名叅將一員中軍守

備一員千總二員馬兵八十五名步兵一百八十二名守兵九百五十五名馬八十五匹

平樂營官兵一百六十五員名把總一員馬兵二十名步兵七十二名守兵七十二名馬二十

匹

樂平營兵丁八十九名馬兵十名步兵三十八名守兵四十一名馬十四匹交城營官兵

一百五員名把總一員馬兵一十四名步兵五名守兵八十五名馬一十五匹

孟壽營官

兵六百二十五員名遊擊一員中軍守備一員千總一員把總二員馬兵七十名步兵四百名

守兵一百五十名馬七十四匹

平陽營官兵七百三十一員名叅將一員中軍守備一員千

總一員把總二員馬兵九十名步兵三百七十名守兵二百六十六名馬九十四匹

吉州營

官兵二百六十一員名守備一員千總一員把總一員馬兵二十名步兵三十八名守兵二百

名馬二十四 隰州營官兵二百六十一員名守備一員千總一員把總一員馬兵二十名

步兵三十八名守兵二百名馬二十四 平陽城守營官兵四百一員名守備一員千總一

員把總二員馬兵一十二名步兵八名守兵三百七十七名馬一十二匹 靈石縣冷泉官

兵一百一十七員名把總一員馬兵一十五名步兵十名守兵九十一名馬一十五匹 蒲

縣黑龍關營官兵九十九員名把總一員守兵九十八名馬五匹 翼城縣西塢嶺營官兵

九十員名把總一員馬兵七名步兵十名守兵七十二名馬七匹 永和營官兵一百員名

把總二員守兵九十八名馬四匹 大寧縣營官兵九十九員名把總一員守兵九十八名

馬四匹 蒲州營官兵六百二十四員名遊擊一員中軍守備一員把總二員馬兵七十五

名步兵二百四十八名守兵二百九十七名馬七十五匹 平垣營官兵四百六十八員名

遊擊一員中軍守備一員把總二員馬兵六十名步兵八十四名守兵三百二十名馬六十四

潞澤營官兵四百八十九員名叅將一員中軍守備一員把總二員馬兵八十名步兵一百六

十一名守兵二百四十四名馬八十四 潞安城守營官兵一百一十五員名千總一員守

兵一百一十四名

東塢營官兵一百一十五員名把總一員馬兵七名步兵九名守兵九

十八名馬七匹

汾州營官兵五百六十二員名叅將一員中軍守備一員把總二員馬兵

七十四名步兵二百九名守兵二百七十五名馬七十四匹

石樓營官兵二百五員名守

備一員把總二員馬兵一十五名步兵八十七名守兵一百名馬一十五匹

汾州城守營

官兵一百二十三員名千總一員守兵一百二十二名

沁州城守營官兵一百四十員名

千總一員守兵一百三十九名

遼州營官兵九十員名千總一員馬兵十名步兵三十八

名守兵四十一名馬十四匹

和順營兵丁八十九名馬兵十名步兵三十九名守兵四十名

馬十四匹

權店營官兵一百二十三員名把總一員馬兵八名步兵三十八名守兵七十六

名馬八匹

腹裏馬兵一千八百二十名步兵四十二名守兵六千六百三十三名

共一萬二千四百七十五名

馬一千九百九十一匹

歲需餉銀二十二萬一千八百

七十兩二錢零米四萬四千九百一十石

豆一萬二千五百八十二石

寧武協營官兵八百一十四員名副將一員中軍守備一員把總二員馬兵八十名步兵一百

六十二名守兵五百六十八名馬八十匹

利民路官兵五百二十四員名叅將一員中軍

守備一員把總二員馬兵五十四名步兵二百二十六名守兵二百四十名馬五十四匹

神池堡官兵二百四十二員名守備一員把總一員馬兵二十名步二十六名守兵一百九十

四名馬二十四匹 八角營官兵二百四十三員名守備一員把總二員馬兵二十名步兵二

十七名守兵一百九十三名馬二十四匹 陽方口官兵三百四十六員名守備一員把總二

員馬兵二十名步兵六十五名守兵二百五十八名馬二十四匹 忻州營官兵二百七十三

員名守備一員把總二員馬兵二十名步兵二十四名守兵二百二十六名馬二十四匹 寧

武所官軍七十五員名千總一員長夫二十九名站軍四十五名馬一匹 東路營官兵八

百七十七員名參將一員中軍守備一員把總二員馬兵八十名步兵二百六十五名守兵五

百二十八名馬八十四匹 寧化所官軍三十四員名千總一員長夫一十六名站軍一十七

名馬一匹 八岔口官兵二十二員名把總一員守兵三十一名馬三匹 白草口官兵

三十二員名把總一員守兵三十一名馬三匹 水峪口官兵三十二員名把總一員守兵

三十一名馬三匹

胡峪口官兵三十二員名把總一員守兵三十一名馬三匹

北樓

營官兵五百二十三員名叅將一員中軍守備一員把總二員馬兵五十五名步兵二百二十

八名守兵二百三十六名馬五十五匹

茹越口官兵二百二十一員名守備一員把總一

員馬兵一十五名步兵七十九名守兵一百二十五名馬一十五匹

小石營官兵二百二

十二員名守備一員把總一員馬兵一十五名步兵七十七名守兵一百二十八名馬一十五

匹 平刑營官兵二百二十二員名守備一員把總一員馬兵一十五名步兵七十九名守

兵一百二十六名馬一十五匹

車道場口官兵三十二員名把總一員守兵三十一名馬

三匹

太安嶺口官兵三十二員名把總一員守兵三十一名馬三匹

西路偏關營官

兵七百四十二員名叅將一員中軍守備一員千總一員把總二員馬兵八十名步兵二百七

十四名守兵三百八十三名馬八十四匹

偏頭所官軍三十八員名千總一員長夫一十六

名站軍二十一名

樓溝堡官兵七十一員名把總一員守兵七十名馬二匹

老牛灣

堡官兵七十八員名把總一員守兵七十七名馬二匹

樺林堡官兵一百九十九員名守

備一員把總一員馬兵十名步兵七十名守兵一百一十七名馬十四 鎮西衛官兵二百

二員名守備一員把總一員守兵二百名馬四匹 岢嵐營官兵八十六員名把總一員馬

兵十名步兵三十七名守兵三十八名馬十四 五寨堡官兵七十八員名把總一員守兵

七十七名馬二匹 三岔堡官兵八十五員名把總一員守兵八十四名馬二匹 老營

營官兵七百一十五員名叅將一員中軍守備一員把總二員馬兵八十名步兵二百八十四

名守兵三百四十七名馬八十四 老營所官軍三十九員名千總一員長夫三十八名

賈家堡官兵四十七員名把總一員守兵四十六名馬一匹 五眼井堡官兵一百一十一

員名把總一員守兵一百一十名馬三匹 馬站堡官兵七十六員名把總一員守兵七十

五名馬二匹 永興堡官兵七十一員名把總一員守兵七十名馬二匹 河堡營官兵

七百四十一員名叅將一員中軍守備一員千總一員把總二員馬兵一百名步兵三百四十

二名守兵二百九十四名馬一百匹 河曲營官兵七十四員名把總一員守兵七十三名

馬二匹 樓子營官兵八十四員名把總一員守兵八十三名馬二匹 唐家會營官兵

六十二員名把總一員守兵六十一名馬一匹 河會營官兵七十一員名把總一員守兵

七十名馬二匹 河曲縣營官兵七十一員名把總一員守兵七十名馬二匹 保德營

官兵一百八十七員名守備一員把總一員馬兵二十名步兵九十一名守兵七十四名馬二

十四 水泉營官兵四百四十二員名遊擊一員千總一員把總一員馬兵四十八名步兵

一百八十六名守兵二百五十五名馬四十八匹 草垛山堡官兵一百一十一員名把總一員

守兵一百一十名馬二匹 滑石澗堡官兵一百一十一員名把總一員守兵一百一十名

馬二匹 三關鎮馬兵七百四十二名步兵二千五百四十名守兵夫站軍六千三十二名

馬七百九十四 歲需餉銀一十四萬七千一百五十八兩八錢九分零 米三萬三千

五百四十四石八斗 豆五千五百六十二石

大同鎮

鎮守大同總兵官一員 鎮標左右營官兵二千一十六員名各遊擊一員各中軍守備一

員各千總二員各把總四員馬兵五百名步兵一千五百名馬五百匹 大同站長夫五十

名站軍五十名站馬五十四

靈丘路官兵三百四十七員名叅將一員中軍守備一員千

總一員把總二員馬兵四十名步兵二百四十八名守兵五十四名馬四十四

渾源城官

兵一百七十員名守備一員馬兵一十八名步兵一百五十二名馬一十八匹

新平路官

兵三百三十六員名叅將一員中軍守備一員馬兵三十名步兵一百八名守兵一百九十六

名馬三十四

天城城官兵一百九十一員名守備一員馬兵十名步兵二十五名守兵五

十五名長夫五十名站軍五十名營馬十四匹站馬五十四

陽和城官兵一百九十一員名

守備一員馬兵十名步兵二十五名守兵五十五名長夫五十名站軍五十名營馬十四匹站馬

五十四

瓦窰口堡官兵八十三員名把總一員守兵九十一名

鎮門堡官兵九十二

員名把總一員守兵九十一名

守口堡官兵八十七員名把總一員守兵九十一名

得勝路官兵三百三十五員名叅將一員中軍守備一員馬兵三十五名步兵九十九名守兵

一百九十九名馬三十五匹

拒牆堡官兵八十六員名把總一員守兵八十五名

鎮

川堡官兵八十七員名把總一員守兵八十六名

聚落城官兵一百九十二員名把總一

員馬兵八名步兵四名守兵七十九名長夫五十名站軍五十名營馬八匹站馬四十四

助馬路官兵三百九十員名叅將一員中軍守備一員馬兵三十名步兵一百六名守兵二百

五十二名馬三十四 威魯堡官兵八十八員名把總一員守兵八十七名 破魯堡官

兵八十三員名把總一員守兵八十二名 高山城官兵一百九十員名守備一員馬兵一

十二名守兵九十七名長夫四十名站軍四十名營馬一十二匹站馬四十四 左衛城夫

站軍九十名長夫五十名站軍四十名站馬四十四 寧魯堡官兵七十員名把總一員守

兵六十九名 平魯路官兵三百四十四員名叅將一員中軍守備一員馬兵二十七名步

兵一百一十名守兵一百二十五名長夫五十名站軍五十名營馬二十七匹站馬四十四

殺虎堡官兵一百八十二員名守備一員守兵一百八十一名 右衛城官兵一百八十八

員名守備一員馬兵一十二名守兵九十五名長夫四十名站軍四十名站馬四十四 雲

石堡官兵八十三員名把總一員守兵八十二名 敗虎堡官兵八十三員名把總一員守

兵八十二名 阻虎堡官兵七十員名把總一員守兵六十九名 威遠城官兵九十員

名把總一員守兵九名長夫四十名站軍四十名站馬四十四匹

大水口堡官兵七十員名

把總一員守兵六十九名

破虎堡官兵七十員名把總一員守兵六十九名

山陰路

官兵三百三員名都司一員千總一員把總一員馬兵三十名步兵七十三名守兵一百九十

七名馬三十四匹

井坪城官兵一百八十九員名守備一員守兵一百八名長夫四十名站

軍四十名站馬四十四匹

朔州城官兵一百五十九員名守備一員馬兵九名守兵一百四

十九名馬九匹

應州城官兵一百八十一員名守備一員馬兵九名守兵一百七十一名

馬九匹

懷仁城官兵一百八十一員名守備一員馬兵九名守兵一百七十一名馬九匹

馬邑城官兵九十一員名把總一員馬兵九名守兵八十一名馬九匹

乃河堡官兵七十

員名把總一員守兵六十九名

大同共馬兵七百九十八名步兵二千四百四十九名守

兵三千三百八十二名站軍八百九十名共兵七千五百一十九名營馬一千六匹站馬四百

三十四

歲需餉銀一十三萬五千八百六十二兩九分零

米二萬七千六十八石四

斗

山西掌印都司一員

太原左衛掌印守備一員

左右前三所千總各一員

太原

前衛掌印守備一員

振武衛掌印守備一員

右所千總一員

鴈門守禦所千總

一員

平陽衛守備一員

中所千總一員

蒲州守禦所千總一員

陽高衛守

備一員

天鎮衛守備一員

大同前衛掌印守備一員

大同左右衛守備各一員

平魯衛守備一員

井坪守禦所千總一員

山西總部藝文一

冀州牧箴

漢揚雄

洋洋冀州鴻原大陸岳陽是都島夷皮服潺湲河流夾以碣石三后攸降列爲侯伯降周之末趙魏

是宅冀土糜沸炫沚如湯更盛更衰載從載橫漢興定制改封藩王治不忘亂安不遺危牧臣司冀

敢告在階

并州牧箴

前人

雍別朔方河水悠悠北辟獯鬻南界涇流畫茲朔土正直幽方自昔何爲莫敢不來貢莫敢不來王

周穆遐征犬戎不享爰貊伊德侵玩上國宣王命將攘之涇北宗周罔職日用爽蹉既不俎豆又不干戈犬戎作亂斃於驪阿太上曜德其次曜兵德兵俱顛靡不悴荒牧臣司并敢告執綱

奏記鄧禹

馮衍

衍聞明君不惡切慙之言以測幽冥之論忠臣不顧爭引之患以達萬機之變故君臣兩興功名兼立銘勒金石令聞不忘今衍幸逢寬明之日將值危言之時豈敢拱默避罪而不竭其誠哉伏念天下罹王莽之害久矣始自東都之師繼以西海之役巴蜀沒於南夷緣邊破於北敵遠征萬里暴兵累年禍肇未解兵連不息刑罰彌深賦斂愈重衆強之黨橫擊於外百僚之臣貪殘於內元元無聊饑寒並臻父子流亡夫婦離散廬落丘墟田疇蕪穢疾疫大興災異蜂起於是江湖之上海岱之濱風騰波涌更相駘藉四垂之人肝腦塗地死亡之數不啻大半殃咎之毒痛入骨髓匹夫僮婦咸懷怨怒皇帝以聖德靈威龍興鳳舉率宛葉之衆將散亂之兵歃血昆陽長驅武關破百萬之陳摧九虎之軍震雷四海席卷天下攘除禍亂誅滅無道一期之間海內大定繼高祖之休烈修文武之絕業社稷復存炎精更輝德冠往初功無與二天下自以去亡新就聖漢當蒙其福而賴其願樹恩布

德易以周洽其猶順驚風而飛鴻毛也然而諸將擄掠逆倫絕理殺人父子妻人婦女燔其室屋略其財產饑者毛食寒者裸跣冤結失望無所歸命令大將軍以明淑之德秉大使之權統三軍之政存撫并州之人惠愛之誠加於百姓高世之聲聞於羣士故其延頸企踵而望者非特一人也且大將軍之事豈僅圭璧其行束修其心而已哉蓋將定國家之大業成天地之元功也昔周宣中興之主齊桓霸強之君耳猶有申伯召虎夷吾吉甫攘其蝥賊安其疆宇況乎萬里之漢聖帝復興而大將軍爲之梁棟此誠不可以忽也且所聞之久兵則力屈人愁則變生今邯鄲之賊未滅真定之際復擾而大將軍所部不過百里守城不休戰軍不息兵革雲翔百姓震駭柰何自怠不爲深憂夫并州之地東帶名關北逼強鄰年穀獨熟人庶多資斯四戰之地攻守之場也如其不虞何以待之故曰德不素積人不爲用備不豫具難以應卒今生人之命懸於將軍將軍所仗必須良才宜改易非任更選賢能夫十室之邑必有忠信審得其人以承大將軍之明則雖山澤之人無不感德思樂爲用矣然後簡精銳之卒發屯守之士三軍旣整甲兵已具相其地土之饒觀其水泉之利制屯田之術習戰射之教則威風遠暢人安其業矣若鎮太原撫上黨收百姓之歡心樹名賢之良佐天下無

變則足以顯聲譽一朝有事則可以建大功惟大將軍開日月之明發深淵之慮監六經之論觀孫吳之策省羣議之是非詳衆士之白黑以超周南之迹垂甘棠之風令夫功烈施於千載富貴傳於無窮伊望之策何以加茲

傷時

黃憲

徵君見晉王王曰寡人掃敝國以待夫子久矣千里而至得無勞乎徵君對曰臣聞賢王之求士也內有側枕之思則外有載質之勤內有岌岌之憂則外有皇皇之望其相求之殷然也豈惟士之勞乎今賢王五聘臣而臣始至是賢王之思士甚於側枕也臣之在秦聞晉鄙有彊胡之難而士不至是賢王之憂甚於岌岌也王若以晉難旣輯而未暇用士則臣之勞又甚於王矣雖然晉猶未靖也長城若頽堵雉闕若敝甕雖以四塞爲襟而烽煙之警每舉衽席之上歲無暇日且地瘠於蕪莽而不知屯兵弱於私役而不知戰馬疲於驅馳而不知畜將委於執政而不知廉財困於空弊而不知信武玩於餌鹵而不知馭是故以晉國之強臨之以賢王之略鎮之而不能安乎四境之外亦以漢室有此六蠹也夫六蠹在漢室而獨爲晉憂者亦胡人爲之衝也其次則秦及之秦人是以日夜登

垣而窺晉由此觀之秦晉固唇齒之國也唇亡則齒寒齒寒則唇壓今秦方以晉爲唇也而先有寒齒之心故諳練臬藝之士招延於國而謀習以備胡秦王一夜而三起茫如覓遺臣嘗與秦王臥懸燭殿中秦王以衾擁臣而起失其一襪欲答其左右及索之二襪貫於一足其急也如此是皆晉之所宜用心也而秦先之晉又嘻然而不備臣恐秦將取其唇而護其齒無乃爲王之懟而百世之辱乎爲晉之計亦惟以秦之心謀於晉則晉可鼎足而定也而又有扶漢室之名則晉文之功烈由此舉矣王其圖之晉王曰善

謀國

前人

匈奴寇鴈門晉王憂問策於徵君曰晉邑荒矣其何能扞且不可守也先生何以聲不穀對曰臣聞大國無備雖聖人不能樹功諸侯無權雖謀士不能定難今晉國之壤地臣以爲賢王未有也晉國之人民臣以爲賢王未有也晉國之守令臣以爲賢王未有也此三者王皆無之而又爲晉之諸侯何也如是則賢王雖欲強國而防胡患不可得也夫鴈門晉國之巨關也而王不能閉匈奴之患則共之三軍之衆戰於晉之鄙也而王不能制匈奴之患則共之三軍之餉運於晉之邊也而王不能